

道法會元卷之二百六

淨八

金火天丁召孤儀

吟聖號

謹按玉樞經云昔

九天應元雷聲普化天尊於玉梵七寶層臺

為雷師皓翁演說要道傷念世衰道微人無

德行不忠君王不孝父母不敬師長不友兄

弟不誠夫婦不義朋友不畏天地不懼神明

不禮三光不重五穀身三口四大秤小斗殺

生害命人百已千奸私邪淫妖誣叛逆三官

戴筆太乙移文即付五雷斬勘之司先斬其

神後勘其魂斬神誅魂使之顛倒人所鄙賤

人所嫌害人所怨惡以致勒形震屍使其崩

裂驅其捲水役以驅車月覈旬校復有考掠

又有東方風雷地獄考罪人掣電轟雷飛

戈飄戟或造諸惡陽數盡者拘入幽臺陽數

未盡墮於空寂悲風慘淒雨飄飄夜叫空

山昏悲冷野天濤低先月影陰晦奔走沈迷

萬劫綿綿不能解脫於是玉清真王神霄玉

帝頒降鍊仙鍊魂祭度鬼神之法下付雷霆

大師真君轉斗運星頒行攝召使沈魂而解
脫令幽奠以登真今按真科特伸攝召恭炷
真香遙空供養

无上清微天虛皇妙境真玉宮玉清真王神

霄玉帝伏願金容赫日玉相浮天放萬道之

祥光發千毫之瑞炁普令幽奠得觀光明謹

召金火天丁火鈴妙帥惟願霞律雲姿乘

月相身遊金光玉彩手執伏魔帝鐘來衛吾

身宣告將吏勿離左右領帶神兵再伸關召

冥司急取亡人案大典者溫元帥神虎何喬

二大元帥鄴都內臺楊元帥鄴都行司關元

帥良官攝召丘天丁三界召魂使者地府五

道將軍溟冷大神泰山府追攝一行官君即

與君集十方三界九泉長夜三途五苦六道

四生孤魂滯魄鬼神等眾疾速管押前來受

今祭鍊火急奉行速彰報應法泉精度再吟

寶號

日月合明天尊

萬木悲風慘欲摧 孤魂滯魄偃同來

英雄不必分高下 無得法筵平等開

和不可思議功德

伏聞氣判渾淪有天地而生萬物性分愚智

觀聖賢則異眾人未言浩浩千端先託茫茫

六道修羅戰鬪敗辱向羈節中藏仙侶道邊

宴樂享酥醢上味貪婪而為餓鬼罪惡而墮

傍生且夫稟秀陰陽鍾靈稔漬更歷古今朝

代多少豪傑英雄捧壁歸趙者奇哉獻圖刺

秦者危矣請纓繫單于之頸賜劍斷佞臣之

頭居海上之十九年牧羝无乳貶潮陽之八

千里策馬不前擊楫而誓清中原嗚笳而能

却羣虜堪嘆秦宮遭戮曾與鹿指之奸漢室

忘功徒抱狗烹之恨次及滿懷經史冠世支

章高攀丹桂之香遂斷黃梁之夢祖師擊竹

道士種桃禪龕空立貌稜層丹竈雖存人杳

沒亦有枕流漱石釣月耕雲儵然名利不關

心生怕是非來入耳九流醫巫之輩百工技

藝之徒商算舟車史事刀筆但曰生同一理

誰知死異多般誤傷故殺乃前緣枉逝橫亡

皆定分官舍旅舍寧無滯魄冤魂戰場法場

猶有暴屍打骨男役干戈之苦女憂胎孕之

傷大都八萬四千門門勞碌一年三百六十日日奔馳不知實效何如謾得虛名而已至於魑魅魍魎草木精靈橋中象戲尚能言桑下環留真可笑胎卵濕化鱗甲羽毛既然換了頑皮間有存豈善性鷓鴣隨念彌陀佛蛤蚧現出觀世音蠟何及地以排行聽知待客而告別非片言之能盡惟萬種以堪憐是夜嚴列華筵弘宣秘咒地獄之重重鎖掣奈河之隻隻船移月轉樓頭十二闌夜芳未艾風傳鈴響三千界聞者皆來幸齋官出箇面皮為汝等添些氣力兩堂香水滌多年垢膩身心一斛齋饌充幾載飢虛口腹悟戒似舉頭見口受經同蒿手昇階尚慮業道昏衢猶遲開豁冥關幽獄未脫拘囚教有淨鄧都破地獄靈章再為宣演

泉飆淨鄧都咒三遍

伏以幽明異路人鬼殊途知生死為晝夜之常則變化乃陰陽之理我太上立慈悲之教汝眾魂思解脫之期勿起冤憎當懷敬信百尺竿頭須進步十方世界即全身肅爾容儀

赴今召請

太微迴黃旗無英命靈蕞攝召長夜府開度受生魂和永離三途苦

以今齋官體好生之妙化開無碍之法筵召請九幽十類五苦三途六道四生孤魂滯魄

鬼神等眾願承

道寶力道寶寶哀憐是夜今時來臨法會和受今超度功德

陰靈來我搖陽魂返汝類北斗天蓬救神虎開幽關和永離三途苦

以今齋官體好生之妙化開無碍之法筵召請九幽十類五苦三途六道四生孤魂滯魄

鬼神等眾願承

經寶力經寶轉輪迴是夜今時來臨法會和受今超度功德

符命通幽漢靈樞曉曉風孤魂今受度飛鳥

上南宮和永離三途苦

以今齋官體好生之妙化開無碍之法筵召請九幽十類五苦三途六道四生孤魂滯魄

鬼神等眾願承

師寶力師寶本度人是夜今時來臨法會和受今超度功德

引魂來至天尊

萬里悲風恨千年望故鄉塵沙昏面目流淚濕衣裳沐雨淒淒無計聞風自慘傷願承今祭

鍊徐步禮真玉和永離三途苦

孤魂滯魄已到壇前各宜澄淨身心受茲祭鍊榜文告戒所宜宣示

宣榜

汝等孤魂滯魄嚴遵告戒各各仰承至道沐浴蘭湯法眾慈悲引導就浴

眾飆

獲無自有九日導乾坤母東覆形攝上玄陀羅有邈眇烝合雲飛天大醜總監上天沙陀劫量龍漢瑛鮮碧落浮黎空歌保珍惡爽無

品洞妙自真元荒恢漠幽寂度人

引孤入浴 再飆

仰望願人表惟月孕陰精中有太素皇夫人駕綠軒耀華光二極混明照三清懇懇求至道五色下來迎

黃華蕩形天尊

孤魂滯魄沐浴已周汝等久處幽晦之中未
沾法食之味不聞善音日久歲更轉深罪網
我至道玉清真王神霄玉帝有按度沈魂真
符謹當告下

焚拔幽魂符於空中

按度沈魂天尊

衆誦

曹婁阿蒼無怒觀音須延明首法攬普曇稼
那阿夷忽詞流吟華都曲麗鮮蒼育臻答落
大梵散烟慶雲飛灑玉都明魔上門無行上

首回蹠流玄阿陀龍羅四象吁員

南閻洞浮玉眸說說梵形落空九靈推前澤
路善臺綠羅大千眇莽九醜詔誥緣遭雲上
九都飛生自審那育郁馥摩羅法輪露持無
鏡覽姿運容馥朗廓爽神纓自官

刀利禪猷婆泥谷通宛數滌色太眇之堂流
羅梵萌景蔚蕭颯易逸無寂宛首少都阿繼
郁竺華莫延由九開自辯阿那品首无量扶
蓋淨羅合神玉誕長桑栢空度仙
覆無自有九日導乾坤母東覆形攝上玄陀

雖育遺眇烝合雲飛天大醜總監上天沙陀
劫量龍漢瑛鮮碧落得黎空歌保珍惡奕無
品洞妙自真元梵恢漢幽寂度人

孤魂滯魄已受真符則心地開明罪根頓滅
可以復性全形聞經聽法受食朝禮尚慮或

有峽石血湖罪衆有死胎未下血穢未除所
有蕩血湖真符淨血屍符出胎符蕩胎符

法橋度化天尊

衆宣

五行之炁周流三光之炁飛空靈泉下布甘

露洒幽神魂澄正歸上天會合萬真遊玉京

一如流金火鈴律令

焚兵傷自髓弱水毒炁等符

衆宣咒

上帝有教 降下天醫 五雷主者 六毒神君

混元一炁 景合三清 周環六合 體合自然

警玉聖者 有感通靈 敕命一下 急急奉行

隨願往生天尊

孤魂滯魄有胎即下有穢即清惡死枉亡一
時全復當受

玉真火鈴九芒真符即離幽暗使覩光明所
有真符謹當告下

焚削落三尸符

衆宣

天地玄宗 萬炁本根 廣修萬劫 證悟神通
三界內外 惟道獨尊 體有金炁 覆映吾身

視之不見 聽之不聞 包羅天地 育養羣生
誦持萬遍 身有光明 三界侍衛 五帝司迎

萬神朝禮 役使雷霆 鬼妖喪膽 精怪亡形
內有霹靂 雷神隱名 洞慧交徹 五炁騰騰

金光速現 覆護壇庭

光明如意天尊

衆宣

火鈴炎熾 變化八方 萬神侍衛 永斷不祥

一如流金火鈴律令

孤魂滯魄承今功德仰思敬信勿生邪念勿
起爭心如有生前冤讎切勿生怨如是妖精

下鬼勿生畏怖真科有禁天憲昭明監壇有
將威禁極嚴苟或不遵自取沈滯冥關再墜

後會難逢我教主玉清真王神霄玉帝垂無
碍慈悲憫念三途矜憐幽昧特垂教典普度
無窮仍仰汝等遵承戒言即得超生早成上

道各東至心朝禮玉真端坐法筵受法食

然後滌除罪垢悟道道遠夫神霄至道乃虛

皇玉帝金容玉相天尊也若能瞻仰粹容傾

心敬慕則福慧兩全富貴具足且夫金容赫

日見寶座於空中玉相如天儼祥先於法界

憫念衆苦接引登真是知神霄玉帝道同元

始德重道君三清與之同倫萬象皆仰聖德

故曰神霄妙道化身普化天尊談玉樞寶經

垂慈示化尊稱神霄玉帝應運分真如是功

德不可思議各仰恭虔志心朝禮

總朝上帝天尊

稽首皈依真神霄妙法王道同元始祖應化

九霄君昔降清虛界皓庭霄度天演傳雷霆

要特付大師君普度無窮極幽臺盡觀明奉

生皆受度萬象悉太平仰瞻瓊玉相離苦悉

登真願垂方便力拔度此幽魂和往生神飾

朝禮畢引孤詣寒林苑食如常

道法會元卷之二百六

道法會元卷之二百七二百八之

太極葛仙翁施食法

凡行此法每日於早飯之際出一匙許以

小盒盛之至夜靜具香爐向空中密念淨

心口三呪向右侧吐出穢氣向左吸清蒸騰

下再誦救苦經青華誥各一徧畢即叩齒

三通心拜上香

具位臣姓某謹謹焚香啓告供養

大羅三境无上至真神霄真王長生大帝太

一救苦天尊東極青玄上帝可韓丈人丹霄

上帝十方救苦天尊救苦真人童子諸妙善

神太極左宮仙翁冲應孚佑真君南昌上宮

朱陵火府鍊度仙靈北魁玄範府聚魂五總

府神虎攝召司諸司仙靈官屬追魂攝魄官

將城隍里社正神以今臣某恭依大法輟餐

施食普濟幽沉伏望垂光九地洞朗十方變

化法食周徧大千祭度幽魂超昇仙界伏願

九玄七祖多生父母師資法友六道四生一

切含靈悉仗天恩齋登道岸臣某下情不勝

懇禱之至謹言

密念變食呪三徧三剔於食上存法食充

滿法界之內

唵于呼丑靈光娑坤訶未剔去

凝定默存自己一點靈光起於中宮上昇

泥丸化為太一救苦天尊與天地同體放

五色祥光洞照幽陰之下即以左手剔匙

匙匙匙匙匙一塵打破地獄只見鄴都

幽陰之境一時悉化光明次念開鄴都呪

魁魁魁魁魁魁魁魁

茫茫鄴都中 重重金剛山 靈寶无量光

洞照炎地煩 七祖諸幽魂 身隨香雲幡

定慧青蓮花 上生神永安 急急如元始

度人律令

呪畢存見幽陰朗徹地府開通一切幽靈

等衆盡乘光明而至

以今焚香一心召請十方法界之內九幽地

獄之中五道四生孤魂滯魄一切幽靈鬼爽

等衆各乘道力來赴靈場受食和寃成功托

化存見衆魂如萬點星光俱在目前即與念